



# Arubaanse Courant

ANJA 25

DIAMARS 4 FEBRUARI 1964

No. 4955

## B.C. TA ANUNCIA:

# DEFICIT Ariba PRESUPUESTO DI 1964 NO TA EXISTI MAS

ORANJESTAD, 4 febr. - Na luna di december ultimo deputado F.J. Tromp, a anuncia durante di e tratamiento di e presupuesto di teritorio insular di Aruba pa e anja di servicio 1964 cu tabatin un chens grandi cu e deficit di presupuesto di un suma di f.-540.000 lo worde elimina pronto, awor ta asina cu un carta di BC di dia 13 di Januari na eilandsraad ta muestra cu e pronosticacion a sali. For di calculacion ariba presupuestonan bieuw a resulta basta resto pa cubri e deficit di casi mei millon ariba e presupuesto di 1964.

Den e carta ya menciona BC ta bisa entre otro; Durante di e tratamiento di e presupuesto den un reunion general di eilandsraad nos a priminti, cu pronto cambionan lo worde anula for di e presupuesto. Awor e planan pa e cambionan di e presupuesto ta worde entrega, como informacion lo siguiente:

Den e presupuesto di 1964 un suma di mei millon florin ta worde calcula pa cubri parcialmente di un calculacion di deficit acumula ariba e cuentanan te cu 1962. Durante di preparacion di e plan pa e presupuesto di 1964 na medio 1963, tabata conoci cu e deficit ariba cuentanan te na promer di Januari 1960 tabata f.323.930,-.

Saldo deficit na 1.1.60	f. 323.930.-
Saldo favorabel pa 1960	f. 212.000.-
Idem pa 1961	f. 838.000.-
Saldo deficit temporal pa 1962	f. 307.000.-
f. 1.095.000.-	f. 630.930.-
flm 630.930.-	
Saldo favorable	f. 464.070.-

Mas informacion por a worde hanja tocante di esaki promer. Pero si tabata muestra cu e anja di servicio di 1960 lo tabatin un saldo chiquito favorabel.

Mientras cu tabata conoci cu e presupuesto di 1961 y 1962 tabata muestra un deficit di f. 1.200.000.-

Pa motibo di un politica financiero cu masha cuidao nos no a hanja advisable pa warda te ora cu nos a calcula pa un millon y mei florin.

Aunque cu esaki no ta definitivo ainda, en todo caso nan ta duna bastante informacion di e situacion di asuntonan. E siguiente plan por worde forma:

e anjanan di servicio anterior.


Door di esaki saldodeficit calcula pa f. 540.000,- a baha te na f. 400.000.-. Pa e ultimo aki un cubierto a worde hanja door di e sumanan di huur y pachtmento di land, cual especialmente den e anjanan di formacion di e teritorio insular a worde cobra door di land pero cu ta pertenece na e teritorio insular.

Door di e cambionan aki e presupuesto pa 1964 ta den balanza; e entradanan y debenan di e servicion normal awor ta monta na f. 25.542.182,-.



**FATUM** Tel. 1845  
pa tur bo aseguronan

*Diasabra atardi a yega Aruba senyor W. F.M. Lampe, ministro pleni potenciario di gobierno Antilano na Den Haag. Ministro Lampe ta haciendo su bishita di rutina anual, pa mantene contacto personal cu gobierno akinan. Na aeropuerto el a worde ricibi door di gezaghebber interino I.S. de Cuba, secretario di teritorio insular L.C.M. Kerstens, e hefe di servicio informativo di gobierno senyor Piña Lampe y un gran cantidad di famia. E portretnan ta duna una idea di e yegada di ministro Lampe, ambiente tropical di Aruba ta bruha su cabai y senjora M. van Meeteren-Lampe, ta salude.*



## Diamars finale softball tomeo di school

ORANJESTAD, 3 febr. - Diahuebes venidero pa tres or y mei di atardi lo tuma lugar den Lago Sport Park na San Nicolas e finale di e competitie di softball di e schoolnan na Aruba. Den e wegá aki lo enfrenta otro e campeon di Oranjestad (Margrietschool) y e campeon di San Nicolas (Don Bosco). Na Wilhelmina Stadion a tuma lugar Diahuebes anochi e ultimo encuentro di competitie pa e seccion Oranjestad. Prinses Beatrix school cu a bira campeon den de-

parlamento A, mester a mifi su fuerza cu e campeon del departamento B, cual ta e team di Prinses Margriet School. Den e bunita partida e mucha hombernan di Margrietschool a duna esnan di Beatrixschool les den softball. Cu un score halto han agana di e ultimo. Pero diabierna anochi Beatrixschool a bolbe cu e intencion di tuma revancha. Den e promer cuater inning Margrietschool tabata dilanti cu un score impresionante. Pero apesar di nan esfuerso, Margrietschool a logra mantene su triunfo ariba nan y a sali victorioso for di terreno, y asina cu e titulo di campeon di Oranjestad. Diamars atardi pues lo tuma lugar e promer wegá den e finale, caminda Don Bosco y Margrietschool lo enfrenta otro den Lago Sport Park.

## SALUDOS FOR DI HULANDA

ORANJESTAD, Diarazon venidero, esta 5 di februari pa un cuartito pa siete anochi, radio Kelt boom lo transmiti un programa di Saludos for di Hulanda den cual por worde tendi for di Rooms Katholieke Kweekschool Santa Rosa, na Meerbosch bij Nijmegen e stemnan di Rina Croes, Irene Marchena, Judith Lacle, y Bernadette Dania. For di Internaat van Kweekschool Klokkenberg na Nijmegen, Gracie Bareno, Pieter Croes, Heidi de Miranday Ronald Donk lo manda nan saludo. E programa aki lo worde retransmiti dia 8 di februari pa seis or y mei di atardi.

## EILANDSRAAD TIN REUNION

ORANJESTAD, 3 febr. - Diahuebes anochi venidero eilandsraad di Aruba lo tene un reunion publico. E agenda ta anuncia diez punto, dentre cual algun proposicion di cambio den e begroting bieuw, entre cual esun di 1964.

Como cu Diahuebes anochi tin un fiesta importante di carnaval na Aruba, esta e eleccion di Miss Aruba 1964, BC di Aruba a dicidi pa tene cuenta cu esaki y a cambia e ora di reunion publico for och' or di anochi pa dos' or di atardi.



FRESCURA DI MENTOL

SABOR RICO DI TABACO

FILTER MODERNO

# JOLANDA COUTINHO REINA DI CARNAVAL JUVENIL 1964

Tanki Leendert, 3 feb. - Un enorme publico a presencia diabierna anochi den e grandioso patio di Centro Juvenil Tanki Leendert pa di promer biaha na Aruba e, eleccion di Reina Juvenil di Carnaval. E programa cual a worde presenta e anochi door di e Comite di Carnaval Juvenil Aruba 1964, tabata uno formidable cual a yega na su punto culminante na e momento cu e Reina Juvenil a worde anuncia y corona door di Gezaghber Interino I.S. de Cuba. Durante di e programa aki senior Severiano - Luydens, un luchador pa e hubentud di Aruba a worde nombra como e promer presidente di e Comite di Carnaval Juvenil.

Mas o menos 1000 persona tabata presente diabierna anochi na Tanki Leendert pa presencia e eleccion y coronacion di e Reina Juvenil di Aruba pa anja 1964. Entre e presentenan nos a mira Gezaghber Interino I.S. de Cuba, vice presidente di Staten O. Croes, miembro di Staten Marco Henriquez, manager di Aruba Caribbean Hotel, H. Steeber, representanten di Lago W. Hochstuhl y B. Schlageler, Reina di Carnaval Aruba 1963, sra. Enid Marugg y presidente di C.C.C.A. - 1964 senior Milo Croes.

Promer cu e parti oficial di e programa a cuminsa, e gruponan musical "The Magnificent Five" y "Los Elegantes" a percura pa algun numeronan cu a cal masha na agrado di e publico, mientras cu Steelband Tanki Flip a percura pa e musica di carnaval, musica di steelband. Antilliaanse Meisjes Gilde a presenta su diferente reinanan, despues di cual srta. Enid Marugg den un discurso chiquito a duna palabra di aprecia pa e trabao cu a worde haci door di C.C.J.A., cu ta dunando un ehemplo con carnaval tin di worde fles-

ta. Sr. Milo Croes como presidente di C.C.C.A. un biaha mas a haci e suplica na e pueblo di Aruba pa tanto posibel tuma parti na e festividadnan di carnaval.

Promer cu e 8 Reinanan Juvenil di e clubnan di hobenan na Aruba a worde presenta, e maestro di ceremonia di e anochi, sr. Addison Croes a presenta e jurado consistiendo di damanan Mericano cu na e momento ia di bishita na Aruba Caribbean Hotel.

Cu un enorme aplausa e publico despues a ricibi e ocho Reinanan Juvenil cu a worde presenta, esta Jolanda Coutinho (Centro Juvenil Tanki Leendert), Etwina Diaz (Juvenil Alegre Paradera), Elsa de Kort (Centro Juvenil Commandeursbaai), Joan Kuiperdal (Spes Patriae), Carlen van Opstal (Sue Thompson Fan Club), Juliana Nicolas (Antilliana Fan Club), Sita Rojas, (Jolly Teeners), Aura Sievinger (Conny Francis Teeners).

Despues cu e Reinanan a tuma lugar ariba e podium y e jury a dirigi nan mes pa e oficinanan priva di Centro Juvenil Tanki Leendert, e momento di tension pa e publico a cuminsa. Kende lo ta

Reina Juvenil 1964. Prins Tolon (Antonio Erasmus) y Pancho Barrigon (Jossy Tromp) durante algun minuut cu acompañamento di Steelband Tanki Flip a hisa e tension mas ainda. Ballando dilanti e Reinanan y de bez en cuando para dilanti uno, a causa cu e publico no por a keda sin ariba siul mas.

E reaccion di e publico na e momento cu Prinsy Pancho Juvenil di Aruba a lamta Jolanda Coutinho como Reina Juvenil di Aruba 1964 tabata enorme. Minuutan largo aplausa tabata basha. Despues a asisti pa srta. Enid Marugg no cu na e momento ta di bishita ba a efectua e coronacion di e promer reina di Carnaval Juvenil di Aruba. Despues di a ricibi un boeket di flor Jolanda Coutinho a duna palabra di gradicimento pa su eligimento como Reina Juvenil - 1964. Satisfactoriamente e publico e ora a regresa cas.

## Enorme interes pa entiero P. Lampe

PARADERA, 4 februari,

Enorme tabata e interes diasabra atardi pa e entiero di Pablo Lampe di diez siete anja, kende ariba e anochi di diahuebs pa diabierna a worde gerdal mortalmente pa un auto. Miles di hende a companja e defunto ariba su ultimobiaha ariba tera for di su casa pa iglesia na Paradera y despues pa santana ayanan. En coneccion cu lutopae hoben aki di Bluemont e fiesta di carnaval di Union Juvenil Paradera, cual a keda di tuma lugar diasabra anochi na Paradera Club, a worde cancela. Awor e fiesta lo tuma lugar diabierna venidero, durante cual fiesta e Reina di e club infantil lo worde corona.

## TA BUSCA PA HUUR

UN CAS (no- meubla)

DEN Oranjestad.

Pa inf: Jama tel. 1116

## Discurso di ministro

### W. F. M. Lampe

ORANJESTAD, 3 febr. - Ayera nochi ministro Pleni Potenciarlo di Antillas na Den Haag. Sr. W. F. M. Lampe, kende diasabra atardi a yega Aruba, den un bishita di rutina na Antillas, a tene un discurso na radionan y television na Aruba.

Den su discurso ministro Lampe a pone e accento, especialmente ariba e Arubianonan studiando na Hulanda. Kendenan segun su informacion ta haciendo bon progreso, cu naturalmente excepcion di algun. Paplando ariba e hobenan di Antillas cu ta duna Antillanais do'lor di cabez como cu gum senior Lampe mas parti ta esnan cu ta ariba nan mes cuenta na Hulanda.

Tambe senior Lampe a menta e punto di economia di Aruba. El a bisa entre otro "Personalmente mi ta contento y feliz cu nos Aruba ta bayendo den bon rumbo y cu nos ta weigando progresonan pa un bon y duradero futuro pa nos economia." E apertura di fabricanan na Barcadera dia diez di december ultimo el a jama un paso importantisimo den nos bia industrial.

El a sigui splica cu Dr. Frans de Vries, comisario industrial, cu oficina na su gabinete, ta haciendo tur esfuerzonan pa trece industrialnan nobo na nos islanan. Senior de Vries tabahando na hopi paisnan Jan Europa, dunando sorto di informacion necesario di Antillas. Senior Lampe a termina su discurso cu un saludo for di su majestad Reina Juliana pa e pueblo Antillano.

## Reina y Prins di mucha eligi na Oranjestad

ORANJESTAD, 4 febr. - Diadomingo atardi a tuma lugar na Oranjestad e parada di mucha den cual tabatin un gran cantidad di muchanan, grandi y chiquito desfraya masha bunita. Banda di e roula cu tabata corre for di Manhattan Store na cuminsamentu di Nassaustraat te na Wilhelmina stadion miles di persona a presencia e grandioso parada di mucha. E eleccion di e Reina y Prins di mucha a tuma lugar den Wilhelmina Stadion. E jurado a eligi Silara Croes y Silito Kelly como Reina y Prins di mucha. Mas tempran e atardi aki Tivoli Club a corona su yoyita, esta Maria Federica Arends yul muher di senior y senjora Lorenzo Arends y nieto di e conocido Mario S. Arends. E acta di coronacion a worde efectua door di diputado G.A. Oduber. Despues un grupo enorme di Tivoli a dirigi nan mes pa e standplaats tras di La Moda, for di unda e parada di mucha a cuminsa.

Den hopi parti di Europa actualmente ta reina un friu teribel. Na Paks, serca di Boedapest e riu Donau ta completamente cubri cu ijs manenos por mira aki riba e portret.

## GEVRAAGD

## MENSEN met DOORZETTINGSVERMOGEN

Zeer veel mensen die studeren bij de L.O.I. behalen een gunstig resultaat. De L.O.I. is daar trots op en wil het zo houden. Daarom zeg de L.O.I. niet dat studie een „peule-schi“ is. U moet er voor werken. Maar voor mensen met doorzetttingsvermogen zijn er via een schriftelijke cursus veel kansen in de toekomst. Belangstelling? Vul dan de bon in! Vraag vandaag nog inlichtingen over de cursus die u interesseert.

- |                            |                           |
|----------------------------|---------------------------|
| <b>Administratie</b>       | <b>Mulo A en Mulo B</b>   |
| Praktijkdipl. Boekhouden   | HBS A/B, Gymn. A/B        |
| Mod. Bedrijfsadministratie | Scheepswerktuig. V.D.     |
| Staatspraktijkdiploma      | Autotechniek              |
| Handelskennis L.O.         | Radio- en Elektrotechniek |
| Secretariss                | Bouw- en Waterbouw        |
| Stenografie Nederlands     | Topografisch tekenen      |
| Frans, Duits, Engels       | Landmeeskunde             |
| Kantoorassistentie         | Wiskunde Mulo B/HBS B     |
| Magazijnmeester            | Wiskunde eke L.O./MO      |
| Loonadministrateur         | Alg. ontw. voor analize   |
| Econom. Bedrijfsorg.       | Chem. bedrijfstechniek    |
| Verkoopkunde, Sleets       | Technisch tekenen         |
| <b>Talen</b>               | <b>Kinderverzorging</b>   |
| Nederlands, Spaans,        | Dokters, Tenderessen,     |
| Engels, Duits, Frans,      | E.H.B.O. en Hygiene       |
| Portugees, Italiaans,      | <b>Landbouw</b>           |
| Zweeds, Russisch,          | Alg. landbouw             |
| Lëtjn, Esperanto           | Landbouwboekhouden        |
| <b>Handelcorrespond.</b>   | Veeteel. Veevoeding       |
| Nederlands, Spaans,        | Veeverloskunde            |
| Engels, Frans, Duits       | Pluimveestel. Se'cteur    |
| <b>Alg. ontwikkeling</b>   | Motor- en Trekkertechniek |
| cursussen ne L.O. en       | <b>Tekenen-Schilderen</b> |
| voorgezet onderwijze       | Vrij tekenen en schild.   |
| Alg. ontwikkeling          | Landschapsk. en schild.   |
| voor de politie            | Model. Reclametekenen     |
| <b>Algemene vorming</b>    | Tekenen L.O., Eclair      |
| Kunst, Muziekgeschied.     |                           |
| Musiktheor., Zangtheor.    |                           |
| Wysbegeerte, Psychol.      |                           |

Ven de cursus met een kaartje op de Antillen officiële cursus afdeling

## LEIDSCHER ONDERWIJS INSTELLINGEN

INSTELLINGEN ZONDER WINSTDOEL

CURACAO: Wilhelminaplein 13 ARUBA: Wilhelminastr. 10

Gaarne ontvang ik, zonder de geringste verplichting, een prospectus van de cursussen

Naam: \_\_\_\_\_  
 Straat: \_\_\_\_\_  
 Woonplaats: \_\_\_\_\_

Uitvullen en in gesloten enveloppe met postzegel van 6 ct. of open enveloppe met zegel van 3 ct. verzenden naar het kantoor op Curacao of Aruba.

E cas ta biniendo dia, y ia duna un bunita bisia.....



gracias na e staf di techniconan cu ia duna bo tur informacion pa planea bo cas, renovacion of reconstruccion na un prijs masha razonable.

## PETRONA & CROES

NOBO NOBO NOBO

Nassaustraat No. 34

## Nos BARATILLO DI INVENTARIO

ainda ta sigui! Awor ta un bon chens pa cumpra tela di bon calidad, pero toch na un prijs masha abou. Corda bon nos baratillo ta riba tur tela bon y bunita.


## PALAIS ORIENTAL

na Oranjestad Pabao -

## SU BARATILLO FENOMENAL

## TA NA MARCHA!

**BISTIR**  
 bon pa ballenan di Carnaval..... for di F. 11.90 pa riba y varios otro articulo nobo cu continuamente ta worde inclui den e baratillo aki, cu prijsnan masha masha abou.





Miss Esso, srta. Regina Croes, kende dia seis venidero lo-competi cu e otro-tres Miss pa e titulo di Miss Aruba 1964.

**ANNIE MARTINUS REINA DI C. B.**

San Nicolas, 4 februari, For di e nueve candidatoanan a competi pa e titulo di reina di carnaval di Club Boneriano, srta. Annie Martinus a resulta esun cu a bende mas voto. E resultado aki a worde duna diasabra anochi durante un fiesta carnavalesco den Club Boneriano. Pa e reina di e club, directiva di Club Boneriano a obsequia un auto Austin Sprite.

**Frida Geerman reina di Club Jamanota**

Santa Cruz, 4 februari, Durante un grandioso baile den Club Jamanota e weekend aki, e reina di carnaval di e club aki pa anja 1964 a keda eligi.

E dama cu a hanja mas voto tabata srta. Frida Geerman, mientras cu su runner-up tabata Celedonia Bislick, kende ta hanja e titulo di reina di sympathy, sigui pa srta. Lucia Dijkhoff cu a hanja e titulo Miss Jamanota.

Diarazon venidero, dia 5 di februari Frida Primera lo worde corona durante un fiesta di carnaval cual lo ta anima pa "Los Campesinos" y steelband.

**Jolanda Maldonado Reina di Juv. Cr.**

Oranjestad, 4 februari, Durante un fiesta bailable cual a tuma lugar den Aruba Jrs. diasabra anochi ultimo, Juventud Cristian a eligi nan reina di 1964. Srta. Jolanda Maldonado tabata e feliz candidata cu a hanja mas voto y asina e anja venidero lo ta reina di Juventud Cristian.

E reina di Juventud Cristian lo no participa na e eleccion pa reina di carnaval di Aruba e anja aki.

**Camara ta despedi di G. de Veer**

Oranjestad, 3 feb. - Ayera anochi e directiva completo di Camara di Comercio di Aruba a tuma despedida di senyor G. de Veer, kende na e ultimo eleccion pa directiva no a pone su mes reeligibel y asina a termina un periodo largo cu e tabata activo da directiva di e camara. Desde anja 1943 te 1963 senyor De Veer a tuma parti den e directiva di camara. Durante un reunion ayera anochi den de Olde Mol'en henier e directiva a duna su gradicimento na senyor De Veer pa e trabao cu el a haci, como un recuerdo el a ricibi un regalo. E actual presidente di e Camara di Comercio ta senyor Clinton H. Whitfield.



It never varies



Sabor cu nunca ta varia

**DEPUTADO ODUBER TA PIDI DISPENSATIE**

ORANJESTAD, 3 febr. - Como cu e compania di contratista Futura N.V. tabata esun cu a inscribi cu un suma na un pa e festajo publico pa construcion di e central di Santa Cruz (Fl. 15.946,-) y diputado G. A. Oduber ta director di e asocacion aki, lo tuma lugar durante di e reunion publico venidero un peticion na raad pa tuma dispensatie segun articulo 13 di reglacionan insular. Sin e dispensatie aki Futura no por hanja e trabao, esta mientras cu senyor Oduber ta director. En pasado e tempo diputado E.O. Pe-

tronja un cantidad di blaha a nanja tal dispensatie, pa Peirona & Croes por a nanja cierto contract di trabao pa gobierno.

**Filmliga ta trece "L'Aventura"**


ORANJESTAD, 3 febr. - Dia 9 y 10 Filmliga Aruba ta boibe presenta un programa di 35 mm den Centro Cultural na Oranjestad. E pelicula principal di e anochi ta "L'Aventura" un obra italiano di e regista Michelangelo Antonioni. E pelicula aki a hanja na mas cu tres premio di criticos na e festival di pelicula internacional na Cannes na anja 1960. Tambe un premio di jurado na Cannes y un

*Tambe e chiquitonan a worde presenta Diabierna anochi na publico. Aki un di e Reinan du Prins ta pasa dilanti di e publico, den Centro Juvenil. Tanki Leendert.*

premio di filmfestival na London den e segundo mitar di e luna aki filmliga tin intencion di presenta, y na e mesan mitar di e luna aki e reunion general di eliga lo tuma lugar.

**KNSM**

*your line*



TELEPHONE 1777-3 LINES  
SCHEDULE OF ARRIVALS/DEPARTURES AT/FROM ORANJESTAD

NOMBER BAPOR:	FECHA:	FOR DI:	
HERCULES	5-2-64	Europe.	Venezuela, Barranquilla, Cartagena, Pto. Limon, Europe.
MARON	6-2-64	U.S. Atlantic Ports.	Venezuela, Port of Spain, Canada.
ORANJE NASSAU	8-2-64	Caribbean Cruise.	Curacao, La Guayra, Trinidad, Barbados, Europe.
ULYSSES	13-2-64	Europe.	Santa Marta, Barranquilla, Cartagena, Pto. Limon, U.S. Gulf Ports.
AGAMEMNON	14-2-64	Europe.	Bonatre, Cumaná, U.S. Atlantic Ports.
BAARN	15-2-64	Mobile, Houston, New Orleans.	Curacao, Venezuela, Trinidad, Barbados, Georgetown, Paramaribo.

**Entradaman haltu di teritorio insular**

ORANJESTAD, 3 febr. - Ora cu luna di december 1963 a worde cera a resulta cu e entrada di e teritorio insular di Aruba na e momento tabata mas halto cu e calculacion y cu dos porcento. En total a worde ricibi e tempo fl. 24,947,697,06 mientras cu e entrada pa e anja ey a worde calcula pa fl. 24,469,000,00. Den circulacion experto esaki ta worde considera como un prueba pa e politica di gobernacion cu cuilibra y eficiente.

## Prinses Irene no ta regresa Hulanda

MADRID, 4 Febr. - E avion gubernamental cu diasabra a bai Madrid pa busca Prinses Irene, a sali sin e princes pa Barcelona, asina a worde informa na e aeropuerto Barajas banda di Madrid.

E embajada ulandes den e capital spanjo a ninga di duna comentario riba e noticia aki of mas informacionnan tocante e plan di vlaje di e prinses. Tur preguntanan a worde rechaza cordialmente pero cu e participacion decidido cu nan no por luna ningun declaracion. Pero aceptabel cu Prinses Irene bai Barcelona cu auto, un distancia di 500 kilometer for di Madrid.

Servicio Informativo di gobierno landes a participa cu ainda no a lni un cambio den e plan di vlaje di prinses Irene. Segun plan prinses Irene lo bai Innsbruck e siman aki.

Servicio Informativo di gobierno lo a haya informacion ki dia e prinses lo bai cerca su familia a ta na Innsbruck actualmente. Servicio Informativo di gobierno anuncia cu e no a haya informe lnda cu prinses Irene ta un otro aminda, cu no ta Spanja.

Tocante e contacto, qu minister president mr. Marijnen tabatin cu Reina Juliana djles prome cu esaki a sali pa su vacation na exterior, servicio informativo di gobierno Ulandes a participa, cu e clasenan di contacto ey entre la Reina y minister president, e minister nan y conseho di ministernan ta tuma lugar regularmente.

## Dos gobernador di Lions pa Aruba

ORANJESTAD, 4 febr. - Diasabra e venidero dos gobernador di Lions International, esta Dr. Haime Tovar Herrera di distrito E-1 na cual Aruba y Corsow ta pertenece y senyor Manuel Vicente Gomez Ortega di distrito E-2 lo bishita Aruba. Nan lo tene deliberacionan cu e directiva di e club na Aruba y alavez lo fiesta carnaval.



**BO  
TA  
SPAAR  
HOPI  
TEMPO**  
cu un  
**WASMACHINE  
AUTOMATICO!**

*Cu senyor Severiano Luydens, tabata contento Diabierna anochi ta di compronde. No unicamente el a worde nombra como promer presidente di honor di Comite Carnaval Juvenil Aruba, pero alavez e Reina di Carnaval Juvenil Aruba, ta tambe Reina di su club. Na robes hariendo senyor Luydens.*



*Diadomingo anochi a tuma lugar den club Surnam, durante un fiesta di e club juvenil Spes Patriae e coronacion di Reina di club esta srta. Joan Kuiperdal, cual acto worde efectua door e Reina di anja pa-*

*sa senjorita Helen - Mangroellal. Prins - Goekoekgoeks (Remi Rayman, na drechi) y su Pancho Gonzalez di serpentín (Reo Tjin Kam Jet) cu interres a admira e coronacion.*

## Lopez Henriquez a papia pa vrouwenbond

ORANJESTAD, 3 febr. - Majanachi senyor R. Lopez Henriquez dirigí palabra durante di e aña di contacto di e Protestant-Christen Vrouwenbond cu ta worde tene tur luna. Lo e conta di su bishita reciente na Israel, como delegado di Jaycees di Aruba na e congreso mundial di Color Chamber cu a worde tene Tel Aviv.

## Ministro Petronia a bini cu macacu for di Surnam

ORANJESTAD, 4 Februari, - Diasabra atardi e delegacion cu

algun dia pasa a bai Surnam pa tene deliberacionan a bolbe Aruba. E delegacion cu tabata consisti di minister E.O. Petronia y D. gezaghebber O.S. Henriquez y diputado F.J. Tromp a worde recibí na aeropuerto pa amigonan y conocirnan esun cu ahanja mas atencion na aeropuerto tabata e macaco cual minister Petronia a trece for di Surnam.

## Reina y Prins di muchana S. Nic.

San Nicolas, 4 febr. - Josef y Judith Wouters ta esunan cu diasabra atardi a worde nombra prins y reina di carnaval di muchana di San Nicolas. Judith a worde corona door di srta. Joan Peterson, miembro di comite central di carnaval y encarga cu organisacion di carnaval di muchana. Un gran cantidad di premio a worde parti na e ganadornan den Lago Sportpark.

## Mr. Karamat Ali a regresa Surnam

ORANJESTAD, 4 februari. Diadomingo atardi senyor E. I. Karamat Ali a laga Arubaparegresa su tera natal, Surnam. Na luna di maart 1961 senyor Karamat Ali a establece su mesna Aruba como companjon di P.V. Sjiem Fat, kende tin un oficina di abogado na Oranjestad. Na Paramaribo Mr. Karamat Ali lo cuminsa su propio practica atrobe, mescos cu promer cu el a bin Aruba.

## STEELBAND JAMBOREE DI R. C. A. CANCELA

Oranjestad, 4 Febr. - E steelband Jamboree cual R.C.A. a anuncia cu lo tuma lugar diasabra anochi ultimo, no a worde tene. E directiva, segun nos a worde informa a dicidi di cancela e evenemento aki como cu nan no kler a kita e diferente steelbandnan for di nan programan di animacion di diferente fiestanan carnavalesco den e clubnan diasabra ultimo, y tambe como cu e CCC a organisa algu por estilo pa e titulo oficial di Aruba, directiva di RCA a hanja cu ta mihor pa cancela esaki te na otro oportunidad.

## Predicante ta menasa pa come te suicidio

CHAPEL HILL, 4 Feb.- Un lider di e movimiento pa suspension di separacion racial na Chapel Hill na North Carolina, e predicante di batistanan Elton Cox, a anuncia ayera cu e lo comete suicidio publicamente prome dia di pascu di resurreccion.

*E Reina di Spes Patriae, Joan Kuiperdal Diasabra anochi durante e fiesta di e club tabata naturalmente Reina di e pista di baile tambe.*

si separacion racial te na e dia ey no a worde aboli den e ciudad unda e ta biba.

El a pidi tur hendenan di color pa sigui su ehemplo y mescos cu hopi budista na Sur Vietnam, el a pidi nan pa quima nan culpa.

Na New York e lider di e congreso pa integracion racial, di cual e predicante di Chapel Hill ta secretario, a distancia su mes di e expresion di Domi Cox.

## Botonan cubano na costa di Merca

MIAMI, 4 Feb. - Guarda Costa Mericano a participa, cu ayera dos boto Cubano di piscado a penetra awan territorial di Merca na Costa di Sur di Florida. Dos otro treiler Cubano a keda net pafor di e zona di tres milla. Autoridadnan Mericano lo investiga, si ta trata di un equibocacion of si ta intencionalmente e Cubanonan tabata den awan territorial Mericano.

## Israelitonan ta busca Bormann

LIMA, 4 febr. Polis peruano di seguridad ta eherciendo control estricto na e frontera cu Chilli en conexion cu noticianan, cu comandonan israelita ta buscando e ex lider di nazi, Martin

Bormann den e territorio aki, asina polis peruano a participa ayera.

Polis di seguridad a worde envolvi, ora cu un piscado peruano a conta siman pasa, cu el a worde interroga pa tres commando. Segun un portavoz di polis hoofd-comissaris Juan Rodriguez a declara cu Bormann lo worde arresta si e trata na dreña Peru. Bormann, ex-adjudant di Hitler, a sparce manera ta conoci den ultimo dianan di guerra y na anja 1964 el a worde condena na pena di morto en rebeldia pa un tribunal na Neurenberg.

## Investigadornan di cueba salba

URACH, 4 Feb.- Cuater Investigador amateur di cueba, cu diasabra mainta a baha den cuebanan di Falkenstein den Zwabische Alpen y cu for di e dia ey tabata perdi, a worde haya na bida awe marduga pa un grupo di rescate.

E grupo di rescate ta spera di trece cuater investigadornan riba terra awe.

A consecuencia di yobidanan fuerte den e territorio enkeston e riunan subterraneo, cu ta pasa door di e cueba, a yena asina tantu, cu e investigadornan cueba - estudiantenan den biologia na e universidad di Stuttgart - a worde encerra. E baterianan den nan lanternonan tabatin un capacidad di solamente 15 ora.





"Bailarinanan di Hawaii"

## MUCHO CARA

ORANJESTAD, 4 febr. - E Caribbean Corporation, situa den e suite number 2008 na Madison Avenue 310 na New York a scribi Arubaanse Courant un carta den cual e ta participa, cu den e paviljoen di Caribe na e exposicion mundial cual pronto lo worde habri na New York, tin algun lugar ainda pa interesadonan.

Henter e paviljoen ta 1.100 pia cuadro y for di esaki si Arubaanse Courant tabata desea e por a huur algun pia pa e prijs di cien dollar pa pia cuadro pa dos anja. "Esaki ta un oportunidad unico pa propaganda of ganashi" asina Caribbean Exposition Corporation a scribi nos. Nos no a acepta.....apesar di e oportunidad unico.

## NAESSENS ACUSA

PARIS, 4 febr. - E Corsicano, - Gaston Naessens, quende a pretende cu el a haya un serum contra cancer, a worde acusa awe oficialmente pa un huez Parisien de instruccion di a ehecuta ciencia medio y farmaceutico ilegalmente.

Naessens mes a bai Paris. Manera ta conoci e instituto di cancer na Villejuif banda di Paris a haya cu su serum no tin ningun balor.

## DEMOSTRACION NA CHIPRE

NICOSIA, - 4 febr. Miles di hobbennan Griego-Chipriota a demostra awe mainta dilanti di e embajada mericana na Nicosia cu gritonan manera "Nos no quier NAVO na Chipre". Prome cu esey nan tabatin un combersacion cu president Makarios, quende a asegura nan cu e ta comparti nan sentimentunan. El a pidi e hobbennan pa bai school back sin haci desorden.



Diferente bellezanan na nos isla a ricibi Diasabra atardi ultimo un corona, como Reina di nan club of nan school. Na Santa Cruz srta. Esther Da Costa a worde corona door di srta. Ivonne Maduro como Reina di e school anja pasa.

Na robez di e Reina nos ta mira sr. Porfirio Croes, presidente di e Comite di Majornan di alumnonan di Antonius College, cual comite a organisa e fiesta di carnaval pa e muchanan Diasabra anochi.

## Proclamacion di Prins Carnaval

Oranjestad, 3 febr. - Diasabra atardi a wordi pronuncia na e oficina di Gezaghieber Interino I.S. de Cuba, un proclamacion door di Prins Carnaval di Aruba prins Cabuya, den cual el a pone algun reglamentonan cu tin di worde manteni den e dianan venidero. Asina por ehemplo el a duna di conoce cu e kier pa entran te diasabra, tur schoolnan, tiendanan y casnan comercial ta sera, mientras cu gobierno tin di stop di cobra belasting, pa asina pueblo por fiesta carnaval mas mihor.

E proclamacion completo tabata lo siguiente:

EUGENE PRIMERO OF MIHOR CONOCI COMO "CABUYA" PRINPA GRACIA DI DIOS MOMO, PRINS DI CARNAVAL DI 1964, D u q u e di MEVELD te LOMBOX, Marques di FONTEIN Y AGUAFOR, BARON DE MONPLAISIR HANTARASHI, CABALLERO DI ARUBA Etc. Etc. Etc. NOS TA DECRETA E SIGUIENTE PROCLAMACION.

Nos. 1 Cu nos Gezaghieber mester BANDONA Aruba INMEDIATAMENTE y entrega na Nos e Yabi dinos dushi Aruba te dia 1 di february proximo, dia cu lastimamente NOS Carnaval proclama lo worde termina.

Nos. 2 Di awe padilanti TUR HENDE sin NINGUN EXCEPCION mester celebra cu alegria e di DIEZ Carnaval di Aruba di 1964.

Nos. 3 Autoridadnan pone tur Cayya disponible pa e grandioso Carnaval pasa cu su Carozanan dorna y pa tur nos Concludadananan por baila na gustu y gana den e fantastica Carnaval aki.

Nos. 4 Pa tur gruponan musical bin cu conhunto Maria-chis-Steel Bands- Caja di Orgel Etc. toca tur ora bai pa fiesta sigi.

Nos. 5 Autoridadnan mester trata tur nos Concludadananan lo mejor posible den e Temporada aki y mas ainda ora nos Concludadananan ta un poco alegre y gozando di e Carnaval grandifantastico y UNICA.

Nos. 6 Di awe padilanti tur schoolnan-tiendanan y Comercio ta cerra nan porta, Gobierno ta STOP di cobra Belasting y Nos Concludadananan lo tin hopi placa pa NO HUNGA Katooshi.

Nos. 7 Na unda cu NOS yega den e dianan aki, Nos mester worde bon ricibi atendi pa Señoritas simpaticas y Bitter bai.

Nos. 8 LAST BUT NOT LEAST Tur Concludadananan tuma precaucion necesario asina evita tur locua por stroba pa e gran Fiesta di Carnaval aki por worde goza pa un y TUR.

DADO FIRMADO Y SELLADO NA PALACIO DI PRINS CABUYA PRIMERO NA ROOI pusi awe 4 di February den di 10 anja di Carnaval. (tawata firma CABUYA). Pa copia conforme: KONOPPI


A COPIA ACUDI NA NOS SECRETARIO DEN SU MAGASHINA NA PRINS, EL ELECTRICISIMO Y GENERA-LISISIMO.

Don Konoppi el ULTIMO.

## ARESTACION NA SPANYA

SAN SEBASTIAN, 4 febr. - Na Guipuzcoa na Spanja shete miembro di e organisacion di catoliconan Vascongado a worde detene. Parce cu tres di nan a kima bandera spanjo y un otro a benta clabu grandi durante un torneo deportivo internacional.

# ATA BO CANDIDATO PA E DIANAN DI CARNAVAL



E ROM ELIHI PA E PUEBLO CU SABI KIKO TA BON

## Critico di China pa Merca y Rusia

PEKING, 4 Febr. - E organo oficial di e partido comunista chinos, Diario Popular, a compara Nikita Chroestsjef y Lindon Johnson cu un ohochi siames. E corant a scribi en relacion cu e critica di Prawda riba un noticia den e corant aki tocante e deliberacionnan di desarme. For di e reaccion di e corant partido comunista ruso riba e corant di China cu a critica President Johnson ta resulta, cu Prawda ta sinti su mes comove door di e ataque riba e president mericano, manera un parti di un ohochi siames ta sinti dolor di e otro parti, asina e organo chinos ta bisa.

Esaki por ta nifica, cu e lidernan ruso tin intencion, pa firma un acuerdo cu Johnson na cual nan ta duna otro man pa prohibi hendenan di opone nan mes contra imperialismo y cuminsa un revolucion? Si esey ta asina, anto Prawda tin un bon motibo pa su nerviosidad, cu na promer bista ta mustra motiva, asina e corant chinos ta scribi.

## Nacionalisacion na Indonesia

DJAKARTA, - 4 Febr. E president di e partido comunista, Aidit, a defende e punto di bista pa Indonesia tumatur empresanan Ingles over pa reforsa e posicion di e pais na e venidero deliberacionnan cu Malesia. Si na e negociacionnan aqui Inglaterra ninga di obliga premier Rachman di Malesia pa disolve e federacion, tur empresanan Ingles lo mester worde nacionalisa sin pago di

danjo di perjuicio.

E liga di federacionnan di trabao na Indonesia cu ta bou di direccion di comunistanan, a haci un peticion riba e federacionnan afilia, pa no cuminsa accionnan prome cu gobierno Indones a tuma un decision. Den un declaracion di e liga comunista ta worde bisa, cu pronto e caso lo worde atende door di gobierno y e federacionnan.

## Periodista real a keda deteni

INNSBRUCK, - 4 Febr. E periodista Canades Michael L. Sone, a worde deteni ayera pa motibu di a stroba orden. E no kier a cumpli cu peticion pa bandona e loge na e weganan Olimpico di invierno na Innsbruck unda Prins Bernhard y Reina Juliana tabata sinti. El a resisti contra polis cu a dicidi na sake afor na mal orden. Awe e lo mester presenta dilanti di hues.

## DS. VAN RIJN PA CORSOW

SAN NICOLAS, 3 febr. - Ds. Metting van Rijn, e predicante di flo-ta cu durante di everlofids J.-A. Visser di San Nicolas y Piedra Placa tuma un gran parti di e trabao di e comunidad Protestante di e comunidad aki en cooperacion cu senjora Norder, lo regresa e luna aki atrobe pa Corsow, despues cu ds. Visser a regresa na cuminsamento di e luna aki. E lo regresa na debilito tempo na Aruba caminda e ta keda encarga cu e percuracion spiritual di e militanan Protestante na Savaleta Kamp.

# CARNAVAL INFANTIL NA ORANJESTAD



*Tambe e schoolnan na Aruba e anja aki ta tumando parti na - Carnival yen di entusiasmo. No unicamente e schoolnan secundario, pero - tambe e Kleuterschoolnan. Aki nos ta mira e Prins y Reina Fingal di Paradera Kleuterschool. E - Reina saboriando un ice-cream.*



*Diadomingo atardi tabata carnaval di mucha na Oranjestad, tabatin diferente trajenan bunita y original e.o. indian.*

## Remolcadornan di Corsow ta los bapor Venezolano

ROTTERDAM, 4 Feb. E remolcadornan Hulandes "Barentsz - Zee", cu ultimamente tabata staciona na Corsow y Maas, tur dos di L Smit en Co, a logra ayera pa los e bapor Venezolano di carga "Ciudad de Maracaibo". E bapor a sufri danjo considerable despues di un choque na entrada di e canal di Maracaibo.

E bapor ta worde di touw awor pa Puerto Cabello unda e lo yega majan.

*Joyita (Maria F. Arends) di Tivoli Club tambe a tuma parti den e parada di mucha hunto cu su Prins*

*"Los Tres Genios"*

*E Mexicano cu su burico.*



## Periodista Ingles mester sali Moscu

MOSCU, 4 febr. - Peter Johnson, corresponsal di e agencia Ingles di prensa Reuter, na Moscu, a worde invita pa e departamento di prensa di e ministerio ruso di exterior, pa e abandona Union Sovietica. Asina e agencia ruso di prensa "TASS" ta anuncia.

E departamento di prensa di e ministerio ta continua: Johnson, aunque cu el a worde avisa diferente blaha, a viola e linianan elemental di conducta pa duna noticia y a manda noticia cu ta contene ofensa grave tocante bida di rusonan y tocante politica interior y exterior di Union Sovietica.

Johnson ta worde acusa tambe di ta envenena e relacionnan di Union Sovietica cu otro paisnan, entre cual e paisnan africano.

For di esaki lo mester a resulta cu e Rusonan no ta contentu cu e manera riba cual Johnson a comenta e demostracion di estudiantenan africano na Moscu, na december di anja pasa, despues cu un di nan a worde haya morto.

## Suicidio sensacional

DORTMUND, 4 Feb. Un funcionario di polis di Alemania West, cu tabata responsable pa seguridad di e canceller di Alemania West y otro miembro di gobierno di Alemania West, Ewald Peters, a comete suicidio awe marduga den su cel.

Peters a worde arresta dia treinta di januari sospecha di participa na crimennan inasal riba hudionan na Sur Rusia.





**RIP KIRBY**

pa cortesia di:

**JAN BODEGOM & CO (ARUBA) N.V.**

Agente exclusivo di **FRIESCHE VLAG** lechi evaporado y lechi en polvo **MAXWELL HOUSE KOFFIE.**



**HOROSCOPO PERSONAL**

**ARIES 21 maart - 20 april**

Bo lo ta capaz pa deshaci di algun kestion practico y util. No hinka bo mes den aventura nan y limita contactonan social.

**TAURUS 21 april - 21 mei**

Lo ta necesario awor pa controla bo asuntonan financiero y trata pa hanja cosnan cu bo a fia hende bek. Laga otronan paga nan parti den diverticion.

**GEMINI 22 mei - 21 juni**

Bo ta cambia di opinion. No laga bo plannan depende di amigunan. Nan por varia masha y desapunta bo. Tene un bista riba bo gastonan.

**CANCER 22 juni - 22 juli**

Acento lo cai riba asuntonan di negoshi i interesnan di bo majornan. No tuma medidanan cu ta contra bo propio interesnan.

**LEO 23 juli - 23 augustus**

Acento ta cai riba noticianan cu bo ta ricibi y asuntonan den exterior. No sinta sonja awor y traha cu energia.

**VIRGO 24 aug. - 23 sept.**

No tuma un decision mucho purá y paga atencion na hechonan. No compromete bo mes pa hopi tempu aspectonan pa aseguro ta malu.

**LIBRA 24 sept. - 23 okt.**

Influencianan di planeta ta yuda bo hala atencion awe di otronan y bo lo desea pa hasi cambionan. No haci nada sin aprobacion di bo partner.

**SCORPIO 24 okt. - 22 nov.**

Awor bo lo mester duna poco atencion extra na asuntonan di placa. Trata pa elabora ideanan bon cu por duna bo ventaha.

**SAGITTARIUS 23 Nov. - 22 dec.**

Bo por mira awe con otronan ta pensa, basta bo paga tino na nan reaccionnan y comentario. Laga bo socio duna bo poco ideanobo.

**CAPRICORNIUS 23 dec. - 20 jan**

Paga extra atencion na serna queri awe pasombra nan lo tuma masha sensitivo. Bo finanza lo no jega pa diverticion costoso.

**AQUARIUS 21 jan. - 19 febr.**

Den bo cas por tin algun dificultad chikitu y tambe na b trabao. Controla bo reaccionnan y evita desunion cu hendenan critico.

**PISCES 20 febr. - 20 maart**

Algun kestion fastioso awe lo existi tacto di bo banda. No emtremete den dificultadnan di otro, esey por costa bo placa y tempu.

**Deliberacion Frances-Israelita**

Paris, 3 febr. - E ministernan di exterior di Israel, senjora Golda Meir, ta yega Paris mayan, unda dialuna e lo cuminsa deliberacionnan cu su colega Frances Couve de Murville tocante e peticion di Israel pa worde admitti como miembro agregadi e comunidad economico Europeo.

**CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.





**BUCHI ROBEZ**

pa cortesia di:

**PIET'S SODA FOUNTAIN**

Tel. 2123

E mihor adres pa snacks, tur clase di dushi, softdrinks, ice-cream y revistas.



**PEPITA**

pa cortesia di:

**ANTILLIAN HARDWARE CO.**

E mihor adres pa VERF, KWASHI, TUR HERMENT, ARTICULOS SANITARIO.



**DICK TRACY**

